

**Índice:** I. *Introdución.* II. *Composición da cámara. Baixas e altas de deputados.* III. *Reunións dos órganos da cámara. Calendario de actividades.* IV. *Procedementos de natureza normativa.* V. *Procedementos de control, impulso e información.* VI. *Declaracións institucionais.* VII. *Procedementos de control económico e orzamentario.* VIII. *Procedementos relativos a outras institucións e órganos.* IX. *Procedementos de designación e propostas de nomeamento.* X. *Solicitud de creación de comisións non permanentes.* XI. *Solicitud de creación de comisións de investigación.*

*“Non é o inxenio sutil o que forma ás nacións: máis ben son os caracteres austeros e firmes”.*

*(Massimo Taparelli)*

## I Introdución

A actividade parlamentaria deste período de sesións viuse complementada coa importante presenza exterior da Cámara galega no foro comunitario do que forma parte: a CALRE<sup>1</sup>. Integrada polos parlamentos de 74 rexións europeas con competencias lexislativas, da CALRE forman parte os órganos lexislativos das comunidades autónomas españolas, consellos

<sup>1</sup> Para un tratamento pormenorizado da cuestión pode consultarse o meu traballo: “Acción exterior autonómica y Parlamentos territoriales: recapitulación a la luz de la STC 31/2010, de 28 de junio”. *Anuario de la Facultad de Derecho de Ourense*. Universidade de Vigo. 2009-2010.



rexionais italianos, asembleas de rexións e comunidades belgas, os parlamentos dos länder alemáns e austríacos, o parlamento autónomo de Åland (Finlandia), as asembleas rexionais das illas Azores e Madeira (Portugal) e as de Escocia, Gales e Irlanda do Norte (Reino Unido). Son, en suma, órganos de oito países diferentes e representan a máis de 200 millóns de habitantes.

O Parlamento de Galicia coordina e preside un grupo de traballo sobre “Modelos Institucionais Rexionais” no seo da Conferencia de Asembleas Legislativas de Europa (CALRE), entidade integrada polos parlamentos de 74 rexións europeas con competencias legislativas.

A presidenta do Parlamento de Galicia, Pilar Rojo Noguera, asumiu o encargo das cámaras legislativas rexionais europeas “coa satisfacción de que o modelo de desenvolvemento autonómico de Galicia inspira confianza en Europa e coa esperanza de fortalecer o apoio dos cidadáns aos modelos de autogoberno”.

A presidencia deste grupo de traballo da CALRE é a primeira experiencia deste tipo que acomete o Parlamento de Galicia nos seus trinta anos de historia. Como primeira medida, Pilar Rojo asumiu a posta en marcha do proxecto denominado “Irmandamento dunha rexión”, impulsado pola CALRE en colaboración co Congreso de Poderes Locais e Rexionais do Consello de Europa. Con este proxecto, a CALRE pretende trasladar a experiencia dos países europeos máis descentralizados a rexións pertencentes a países europeos con estados centralizados.

Na última reunión do Plenario da CALRE, celebrado en L’Aquila (Italia) o pasado mes de novembro, a presidenta do Parlamento de Galicia, Pilar Rojo, logrou a aprobación dunha declaración reclamando o mantemento de axudas europeas transitorias para as rexións que, como Galicia, superen por vez primeira o 75% do PIB medio comunitario.

Esta iniciativa enmárcase na estratexia que está a desenvolver Galicia para que a Comunidade poida manter fondos de transición máis alá de 2013, cando deixe de ser considerada rexión obxectivo converxencia.

## II Composición da cámara. Baixas e altas de deputados

Como tamén sucedeu no primeiro período, é salientable o número de renuncias a súa condición de deputado no segundo período ordinario de sesións, coa conseguinte substitución polos deputados candidatos seguintes nas listas. Estes foron:

Nome da/o deputada/o que causou a BAIXA	Nome da/o deputada/o que causou a ALTA	Data (2011)	Partido	Circunscrición electoral
José Tomé Roca	D. Miguel Ángel Fernández López	setembro	PSOE	Lugo
Anxo Manuel Quintana González	D. Carlos Fernando Branco Parga	setembro	BNG	A Coruña
Pablo Cobian Fernández de la Puente	D.ª María Teresa Villaverde Pais	outubro	PP	A Coruña
Fernando Xabier Blanco Álvarez	D. Manuel Parga Núñez	outubro	BNG	Lugo
Javier Escribano Rodríguez	D.ª Gema Freire Insua	outubro	PP	A Coruña
Ricardo J. Varela Sánchez	D.ª María Dolores Rodríguez Amoroso	novembro	PSOE	Lugo
Guillermo A. Meijón Couselo	Luis Antonio Gómez Piña	novembro	PSOE	Pontevedra

Entre os deputados que causaron baixa neste segundo período, atopábanse dous membros pertencentes á Mesa da Cámara<sup>2</sup>, D. Anxo Manuel Quintana González (vicesecretario) e D. Ricardo Varela Sánchez (vicepresidente 2º). Logo, a composición da Mesa, finalizado o ano 2011, é a seguinte:

Presidenta:	Pilar Rojo Noguera	PP
Vicepresidente 1º:	José Manuel Baltar Blanco	PP
Vicepresidente 2º:	Francisco Julio Cerviño González	PSdeG
Secretario:	José Manuel Balseiro Orol	PP
Vicesecretaria:	María do Carme Adán Villamarín	BNG

Os cambios no órgano reitor da Cámara son, coma apuntou Vazquez Gestal<sup>3</sup>, de suma relevancia no funcionamento institucional dos poderes autonómicos.

### III Reunións dos órganos da cámara. Calendario de actividades

A ordenación do traballo parlamentario e o calendario de actividades para este período aprobouse na Mesa-Xunta de Portavoces de 6 de setembro de 2011 (artigo 67 do Regulamento do Parlamento de Galicia.

O resumo estatístico deste período é o seguinte:

Órgano		Núm. reunións
Mesa		27
Xunta de portavoces		12
Presidentes/as de comision		4
Pleno		13
Deputación permanente		1
Comisións	Comisión 1.ª, Institucional, de Administración xeral, Xustiza e Interior	10
	Comisión 2.ª, Ordenación Territorial, Obras Públicas, Medio Ambiente e Servizos	9
	Comisión 3.ª, Economía, Facenda e Orzamentos	30
	Comisión 4.ª, Educación e Cultura	8
	Comisión 5.ª, Sanidade, Política Social e Emprego	14
	Comisión 6.ª, Industria, Enerxía, Comercio e Turismo	8
	Comisión 7.ª, Agricultura, Alimentación, Gandería e Montes	8
	Comisión 8.ª, Pesca e Marisqueo	8
	Comisión do Regulamento	
	Comisión do Estatuto dos Deputados	2
	Comisión de Peticións	
	Comisión de Control da CRTVG	4
	Comisión para as relacións co Consello de Contas	2
	Comisión de Asuntos Europeos	1
	Comisión de estudo sobre a seguridade viaria en Galicia	5
Comisión non permanente de estudo para a elaboración dun plan de dinamización demográfica de Galicia	4	

2 O procedemento para esta designación expliqueino en: "Reflexións sobre a regulación da sesión constitutiva do Parlamento de Galicia". Revista "Dereito". Volume 5, n.º 2, 1996.

3 No apartado Bibliografía da Revista Dereito Vol. 14 n.º 1, páxinas 231 a 254.

## IV Procedementos de natureza normativa

O marco constitucional e estatutario delimita os ámbitos legislativos de actuación, que como sinalou José Antonio Rodríguez Míguez<sup>4</sup> teñen sido matizados pola xurisprudencia do Tribunal Constitucional. Deste xeito durante o segundo período ordinario **presentáronse 8 proxectos de lei:**

1. Proxecto de lei polo que se modifica a Lei 5/1988, do 18 de decembro, de cooperativas de Galicia.
2. Proxecto de lei de acción voluntaria.
3. Proxecto de lei reguladora da política industrial de Galicia.
4. Proxecto de lei de orzamentos xerais da Comunidade Autónoma de Galicia para o ano 2012.
5. Proxecto de lei de medidas fiscais e administrativas.
6. Proxecto de lei do deporte de Galicia.
7. Proxecto de lei galega de protección xeral das persoas consumidoras e usuarias.
8. Proxecto de lei de bibliotecas de Galicia.

**Aprobáronse 9 proxectos de lei**, que xa convertidos en leis, son as seguintes.

1. Lei 5/2011, de 30 de setembro, do patrimonio da Comunidade Autónoma de Galicia.
2. Lei 6/2011, de 13 de outubro, de mobilidade de terras.
3. Lei 7/2011, de 27 de outubro, do turismo de Galicia.
4. Lei 8/2011, de 9 de novembro, do Plan galego de estatística 2012-2016
5. Lei 10/2011, de 28 de novembro, de acción voluntaria.
6. Lei 11/2011, de 26 de decembro, de orzamentos xerais da Comunidade Autónoma de Galicia para o ano 2012.
7. Lei 12/2011, de 26 de decembro, de medias fiscais e administrativas.
8. Lei 13/2011, de 16 de decembro, reguladora da política industrial de Galicia.
9. Lei 14/2011, de 16 de decembro, pola que se modifica a Lei 5/1988, de 18 de decembro, de cooperativas de Galicia.

Os 4 proxectos de lei que se atopan **en trámite** a decembro de 2011 son:

1. Proxecto de lei da área metropolitana de Vigo.
2. Proxecto de Lei do deporte de Galicia.

4 José Antonio Rodríguez Míguez "El Estatuto de Galicia, 20 años de Parlamento y Justicia Constitucionales", de José Antonio Sarmiento Méndez. Revista Asamblea, n.º 9-2003, páxinas 397 a 404.



3. Proxecto de Lei galega de protección xeral das persoas consumidoras e usuarias
4. Proxecto de Lei de bibliotecas de Galicia.

**Presentouse** neste segundo período unha proposición de lei:

1. Proposición de lei, a iniciativa do Grupo Parlamentario Bloque Nacionalista Galego, para a restitución do carácter público de titularidade da Xunta de Galicia do servizo de transporte marítimo de persoas na ría de Vigo.

E **aprobase unha proposición de lei**, convertida tamén xa na seguinte lei:

1. Lei 9/2011, de 9 de novembro, dos medios públicos de comunicación audiovisual de Galicia<sup>5</sup>.

Tamén unha foi **rexeitada**, a Proposición de lei, a iniciativa do Grupo Parlamentario Bloque Nacionalista Galego, para a restitución do carácter público de titularidade da Xunta de Galicia do servizo de transporte marítimo de persoas na ría de Vigo.

Foi **rexeitada** tamén, no Pleno do día 13 de setembro de 2011, a proposición de lei, a iniciativa do Grupo Parlamentario dos Socialistas de Galicia, de reforma do Estatuto de autonomía de Galicia.

Presentáronse 2 proposicións de lei de iniciativa lexislativa popular:

1. Proposición de lei de iniciativa lexislativa popular para a defensa e a promoción da sanidade pública en Galicia (en trámite).
2. Proposición de lei de iniciativa lexislativa popular para a confluencia do programa Preescolar na Casa e o ensino público galego (en trámite).

Xa que logo, xunto con estas dúas, son tres as proposicións de lei de iniciativa lexislativa que se atopan en trámite, contando a proveniente da anterior lexislatura:

3. Proposición de lei de iniciativa lexislativa popular para a creación e regulación da Área Metropolitana de Vigo (en trámite).

Delegación lexislativa.

Destacable é tamén o acordo da Mesa do Parlamento, de 10 de outubro de 2011, relativo ao uso feito pola Xunta de Galicia da delegación lexislativa respecto ao Decreto lexislativo polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado (Decreto lexislativo 1/2011, de 28 de xullo). Transcorrido o pertinente prazo para a formulación de obxeccións, a Mesa acordou que a Xunta fixo un uso correcto da delegación lexislativa. (BOPG núm. 557, de 11 de outubro de 2011).

5 Vid. o meu traballo: "Una aproximación a los medios de comunicación desde la perspectiva autonómica: su dimensión jurídico-constitucional". Parlamento y comunicación (nuevos retos). XI Jornadas de la Asociación española de Letrados de Parlamentos. Tecnos. 2005.



## CONVENIOS E ACORDOS DE COOPERACIÓN CON OUTRAS COMUNIDADES AUTÓNOMAS

Aos 8 convenios comunicados polo executivo no primeiro período, hai que sumar neste período outro máis, o convenio de colaboración entre comunidades autónomas para o impulso de actuacións conxuntas para mellorar a oferta de transporte público a través da incorporación de sistemas tecnolóxicos.

## EXAME DE PROGRAMAS E PLANS

A Mesa do Parlamento, na reunión do 21 de decembro de 2011, admitiu a trámite e trasladou á Mesa da Comisión 5ª, de Sanidade, Política Social e Emprego o Plan galego para o fomento da actividade física, Galicia saudable. A Comisión 5ª aprobou as correspondentes propostas de resolución na súa sesión de 27 de decembro de 2011.

## V Procedementos de control e impulso e información<sup>6</sup>

Durante o segundo período do ano 2011 presentáronse 284 **proposicións non de lei en pleno**; foron rexeitadas 25, aprobadas con modificación 10, aprobadas sen modificacións 3 e ningunha retirada.

En **Comisión** presentáronse 397 **proposicións non de lei**, das que 70 foron rexeitadas, 2 aprobadas con modificacións e 12 sen modificacións, e retiradas 4.

En canto ás **mocións**, foron presentadas 28, das que se rexeitaron 24, aprobáronse con modificacións 2.

O control dos grupos parlamentarios sobre o Executivo a través de **solicitudes de comparecencia, interpelacións e preguntas**, reflíctese neste período deste xeito:

Solicitudes de comparecencia en Pleno	Presentadas 117, tramitadas 13
Solicitudes de comparecencia en Comisión	Presentadas 84, tramitadas 14
Interpelacións	Presentadas 234, tramitadas 24, retiradas 2, aprazadas 1
Preguntas orais en Pleno	Presentadas 634, tramitadas 71, retiradas 35, aprazadas 8
Preguntas orais en Pleno dirixidas ao Presidente da Xunta	Presentadas 16, tramitadas 16
Preguntas orais en comisión	Presentadas 1115, tramitadas 609, aprazadas 61, retiradas 99
Preguntas con resposta escrita	Presentadas 1790, tramitadas 1527, retiradas 1

## VI Declaracións institucionais

O Pleno do Parlamento, na súa sesión do 22 de novembro de 2011, adoptou, por asentimento, o seguinte acordo:

Declaración institucional do Parlamento de Galicia, en recordo das vítimas de accidentes de tráfico:

*"A celebración do Día Mundial en Recordo das Vítimas en Accidentes de Tráfico, fixa-*

<sup>6</sup> Para unha comprensión da interrelación entre estes procedementos parlamentarios é de interese Manual de Actuación del Parlamentario. Xosé Antón Sarmiento (Coordinador). Editorial El Derecho. Grupo Francis Lefevre. Madrid. 2011.

da pola ONU para o terceiro domingo de novembro de cada ano, leva ao Parlamento de Galicia a sumarse a esta conmemoración.

*Lembramos os afectados pola violencia viaria, trasladámoslles a nosa solidariedade ás súas familias e amosamos o noso apoio ás entidades que traballan neste ámbito.*

*Durante a última década acadouse unha notable redución no número de sinistros, feridos e falecidos en Europa. Galicia, xunto co resto de España, é un dos territorios con mellores resultados, froito dunha política de seguridade viaria baseada no consenso e na responsabilidade compartida entre as administracións públicas e a sociedade civil, coa complicidade dos medios de comunicación.*

*Con todo, a cifra de 237 falecidos en accidentes de tráfico en Galicia durante 2010 segue a ser preocupante, posto que estes sinistros son evitables. E o obxectivo segue sendo o de «cero accidentes».*

*O Parlamento de Galicia anima aos diferentes gobernos a seguiren outorgando prioridade e a buscaren o consenso político en materia de seguridade viaria, sen esquecer as medidas de concienciación e de educación en valores cívicos, tendo en conta a preponderancia do factor humano na orixe da maior parte dos sinistros viarios”.*

## VII Procedementos de control económico e orzamentario

**Conta xeral da** Administración da Comunidade Autónoma correspondente ao exercicio de 2010 (Toma coñecemento e traslado á Comisión 3ª - BOPG núm. 579, fasc. 2º, 14-11-11)<sup>7</sup>.

**Informe de fiscalización das contas do sector público** da Comunidade Autónoma de Galicia correspondente ao exercicio económico de 2008 (Informe e propostas de resolución aprobadas - BOPG núm. 578, 11-11-11).

### **Informes sobre o estado de execución do orzamento:**

Execución orzamentaria ao segundo trimestre de 2011 (Entrada da iniciativa —30-9-11— Toma coñecemento e traslado á Comisión 3ª - Mesa 10-10-11)

### **Modificacións orzamentarias:**

Modificacións do mes de xuño de 2011 (Dación en conta - Comisión 3ª, 20-9-11)

Modificacións do mes de xullo de 2011 (Dación en conta - Comisión 3ª, 20-9-11)

Modificacións do mes de agosto de 2011 (Publicación - BOPG 549, fasc. 2º, 29-9-11)

Modificacións do mes de setembro de 2011 (Toma coñecemento e traslado á Comisión 3ª - Mesa 2-11-11)

Modificacións do mes de outubro de 2011 (Toma coñecemento e traslado á Comisión 3ª - Mesa 22-11-11)

<sup>7</sup> Teño explicado o alcance da denominada “descarga do Executivo” en Manual de Dereito Constitucional. Universidade de Vigo. Servizo de Publicacións. 2010.

**Fixación do límite máximo de gasto non financeiro do orzamento da Comunidade Autónoma para o ano 2012**, de acordo co establecido no artigo 12 da Lei 2/2011, de 16 de xuño, de disciplina orzamentaria e sustentabilidade financeira (Publicación da admisión a trámite - BOPG núm. 535, fasc.2 º, 9-9-11 - Aprobación - Pleno 13-9-11; BOPG núm. 542, fasc. 2º, 20,9-11).

Este procedemento vén a inserirse no trámite xeral orzamentario descrito na seguinte gráfica:



O ciclo orzamentario en Galicia

## VIII Procedementos relativos a outras institucións e órganos

### Consello de contas

Memoria de actividades do Consello de Contas de Galicia correspondente ao exercicio 2010 (Memoria presentada - BOPG núm. 530, 1-9-11 —Recomendacións presentadas— BOPG núm. 549 fasc. 3º, 29-9-11 Recomendacións aprobadas - BOPG núm. 566, fasc. 3º, 25-10-11).

### Valedor do pobo<sup>8</sup>

Informe extraordinario do Valedor do Pobo sobre Adolescentes e Internet (Publicación do informe —BOPG núm. 575 fasc. 3º, 8-11-11.— Traslado á Comisión de Peticións - Mesa 15-11-11).

<sup>8</sup> O papel do comisionado autonómico no entramado institucional foi estudado por min en: "O valedor do pobo como garante dos dereitos dos cidadáns galegos". Anuario de la Facultad de Derecho de Ourense. Universidade de Vigo, 2003.



## Unión europea

As **Consultas** remitidas pola Comisión Mixta Congreso-Senado para a Unión Europea sobre o **control da aplicación do principio de subsidiariedade** nas iniciativas legislativas europeas, ata finais de 2011; foron 97; e 3 as **Consultas** á rede de seguimento de subsidiariedade **no Comité das Rexións**:

- 1 Consulta en relación coa comunicación sobre a revisión da política europea da calidade do aire, o ambiente e as emisións - 08/CRRS-0004

Entrada da consulta – Rex. entrada núm. 673911, 18-11-11

Coñecemento da Resolución da Presidencia- Mesa do Parlamento 22-11-11

Peche do expediente e traslado ao Comité das Rexións - Mesa do Parlamento 7-12-11

- 2 Consulta en relación coa Proposta do regulamento do Parlamento Europeo e do Consello polo que se crea o Instituto Europeo de Tecnoloxía - 08/CRRS-0005

Entrada da consulta – Rex. entrada núm. 674398, 30-11-11

Coñecemento - Mesa do Parlamento 7-12-11

Peche do expediente e traslado ao Comité das Rexións - Mesa do Parlamento 21-12-11

- 3 Nota informativa sobre a consulta específica sobre o Regulamento do Parlamento Europeo e do Consello polo que se establece o Instrumento de Interconexión para Europa COM(2011) 665 final- 08/CRRS-0006

Entrada da consulta – Rex. entrada núm.74729, 7-12-11

Coñecemento da Resolución da Presidencia- Mesa do Parlamento 13-12-11

## IX Procedementos de designación e propostas de nomeamento

Estes procedementos heteroxéneos entre si pero fundamentalmente vinculados pola coherencia da función representativa da Cámara como, no seu momento, apuntou o letrado Antonio Díaz Otero<sup>9</sup>, deben ser examinados polo miúdo para determinar o alcance desta función da Cámara.

### Xunta Electoral de Galicia

Designación de Dona María da Alba Nogueira López para cubrir a vacante por renuncia de Xosé Manuel Carril Vázquez - BOPG núm. 566, fasc. 3º, 25-10-11

### Senadores en representación da Comunidade Autónoma

Acordo polo que se fixa o número de senadores – BOPG 586, 23-11-11

Aceptación das candidaturas presentadas – BOPG 588, fasc. 3º, 25-11-11

Designación de José Manuel Romay Becaría, Juan Manuel Jiménez Morán e Pablo García García - Pleno día 29-11-11, DS núm. 114

<sup>9</sup> No seu texto sobre o Manual de Dereito Constitucional publicado xunto a Patricia Murias Gil na Revista Asamblea, Revista Parlamentaria de la Asamblea de Madrid n.º 23. Decembro 2010, páxinas 379 a 382.



Elección de membros do **Consello Social da Universidade de Santiago de Compostela.**

No Pleno de 13 de setembro de 2011, procedeuse á designación dos seguintes membros:

Don Juan Bautista de la Salle Barreiro Pérez  
Don Enrique Feáns García  
Don Óscar Fernández Refoxo  
Don Raúl López López  
Dona Isabel Salazar Bello  
Don José Sierra Fernández

Elección de membros do **Consello Social da Universidade da Coruña.**

Don Manuel Caamaño Suárez  
Don Marcelo Castro-Rial Schuller  
Don Juan Carlos González Fernández  
Don Alfonso Manuel López Pena  
Don Ángel Manuel Teijeiro González  
Don José Manuel Vilariño Anca

Elección de membros do **Consello Social da Universidade de Vigo.**

Don José Natalio Blanco Sierra  
Don Antonio Coello Bufill  
Don Julio Estévez Fernández  
Don Xesús López Carreira  
Dona Mónica Vázquez Blanco  
Dona Natalia Zunzunegui Garrido

Elección de membros do **Consello de Administración da Compañía de Radio-Televisión de Galicia.**

Designación de D. Xosé Manuel Mexuto Seoane para cubrir a vacante por renuncia de Manuel Antelo Pazos - Pleno día 27-9-11, DS núm. 101

Designación de Luis de la Matta Cantó para cubrir a vacante por renuncia de Juan Manuel Jiménez Moran - Pleno día 29-11-11; BOPG núm. 596 fasc. 2º, 9-12-11

Designación de representantes do **Consello Galego de Estatística.**

Toma coñecemento dos representantes designados polos grupos parlamentarios - Resolución da Presidencia do Parlamento 13-12-11

Dación de conta da Resolución da Presidencia – Mesa 21-12-11

## X Solicitude de creación de comisións non permanentes

Como apuntou no seu día o profesor Mosquera Casero<sup>10</sup>, a cuestión orgánica resulta de grande relevancia no Dereito Constitucional e tamén no ámbito parlamentario. Por estas razóns as solicitudes de creación de Comisións acadan gran importancia tanto política coma institucional.

10 Na súa Recensión ao meu Manual de Dereito Constitucional. Revista Corts, Anuario de Derecho Parlamentario n.º 23. 2010, páxinas 433 a 435.

Solicitud de deputados e deputadas pertencentes ao G.P. dos Socialistas de Galicia, de creación dunha Comisión especial que propoña as medidas normativas e políticas necesarias para adaptar as corporacións locais á actual conxuntura económica e ás novas demandas sociais - 08/SCNP-0007

Entrada da iniciativa - 29-7-11

Retirada da solicitude -5-9-11

Solicitud de creación, formulada polos 25 deputados e deputadas pertencentes ao G.P. dos Socialistas de Galicia, dunha Comisión non permanente para o estudo da situación dos galegos residentes fóra da Comunidade Autónoma - 08/SCNP-0008

Entrada da iniciativa - 28-9-11

Admisión a trámite - Mesa 4-10-11

Criterio contrario á súa creación - Xunta Portavoces 4-10-11

Solicitud, formulada polos grupos parlamentarios dos Socialistas de Galicia e do Bloque Nacionalista Galego, de nova constitución da comisión non permanente para o estudo dos problemas e desigualdades sociais das mulleres, denominada Comisión para a Igualdade e para os Dereitos das Mulleres - 08/SCNP-0009.

Acordo de creación – Mesa 24-10-11

## XI Solicitud de creación de comisións de investigación

Solicitud de creación dunha Comisión de investigación en relación coas actuacións de iniciación, tramitación, destino, comprobación e control das axudas percibidas desde o ano 2006 a 2009 con cargo ás ordes dos programas de cooperación por parte de asociacións vinculadas a Unións Agrarias – 08/SCI-0003.

Publicación – BOPG núm. 449 fasc. 1º, 12-4-11

Solicitud de creación dunha Comisión de investigación, a iniciativa do Bloque Nacionalista Galego, sobre a situación de NovaCaixaGalicia Banco – 08/SCI-0004

Non admitida a trámite – Mesa 10-10-11.

Solicitud de creación dunha Comisión de investigación, a iniciativa do G.P. dos Socialistas de Galicia, no que solicita a constitución dunha Comisión de investigación sobre a desaparición da caixa galega como entidade financeira e o pago de indemnizacións millonarias aos seus directivos – 08/SCI-0005.

Publicación - BOPG núm. 563 fasc. 3º, 19-10-11.

Debate Pleno - Pleno día 25-10-11, DS núm. 105

REXEITADA - BOPG núm. 570 fasc. 1º, 31-10-11

Resulta de interese traer a conto o marco constitucional de funcionamento destes órganos do Parlamento, para o caso de que eventualmente se acorde a súa creación. O esquema é o seguinte:

# COMISIONS DE INVESTIGACIÓN

(Doutrina constitucional)

